



Bou ons kinders vir môre

Sondagskool 4

Lestitel: Jesus genees die blinde Bartiméüs

'n Ouerhandleiding

Sondagskooltuisonderrig



Liewe Ouer

Welkom by die les “Jesus genees die blinde Bartiméüs”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus en Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Jesus genees die blinde Bartiméüs
Bybelwoord	Markus 10: 46-52; Lukas 18: 35-43
Lesdoelwit	Die Here Jesus het nie Bartiméüs se aanhoudende smeking in geloof geïgnoreer nie.

Lesopsomming:

- Die Here was op pad na Jerusalem.
 - Langs die pad het die blinde bedelaar, Bartiméüs, gesit.
 - Hy het hard geroep.
 - Die mense het hom aangesê om stil te wees, maar hy het aanhou skree vir Jesus om hom te help.
 - Jesus het hom opgemerk.
 - In geloof en vertroue het Bartiméüs vir Jesus om hulp gevra.
 - Jesus Christus het gesê - Jou GELOOF het jou genees.
 - Bartiméüs het weer sy sig weer terug gekry.
 - Die mense rondom hulle het die wonderwerk gesien en was baie bly / beïndruk.
- Hy het die Here Jesus gedank, geprys en verheerlik en Hom gevolg.

Wat beteken hierdie les vandag vir ons?

- As kinders van God moet ons ook gereeld bid en vir God sê wat ons bekommer en wat ons nodig het.
- Ons moet in geloof vra en glo dat God ons sal help en gee wat ons nodig het - nie wat ons wil hê nie.
- Ons moet ons vriende vertel van die goeie werke wat die Here elke dag vir ons doen.
- Wonderwerke vandag is in die vorm van kos, gesondheid, mammas, pappas, onderwysers, predikante en 'n warm bed!



Sommige vrae wat ons kan vra:

- Waarheen het Jesus gereis?

Antwoord. Hy was op reis na Jerusalem.

- Wie het Jesus ontmoet langs die pad?

Antwoord. Blinde Bartiméüs

- Watter gestremdheid het hy gehad?

Antwoord. Hy was blind / Hy kon nie sien nie

- Wat wou hy hê dat die Here Jesus vir hom moet doen?

Antwoord. Hy wou hê dat die Here hom moet genees / Hy wou weer sien

- Wat het die Here Jesus vir Bartiméüs gesê?

Antwoord. 'Gaan, jou geloof het jou genees.'

- Wat het Bartimaéus dan gedoen?

Antwoord. Hy het die Here geprys / Hy het die Here gevolg.

- Wat moet ons hê wanneer ons tot God bid?

Antwoord. Ons moet geloof hê dat God ons gebede sal beantwoord.



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te gaan haal

En mag ons gereed wees om Hom te ontmoet. Amen

'n Gebed na die les:

Vader ons dank U vir hierdie dag.

U werk is so groot, liewe Heer, en ons sê dankie dat ons ook deel kan wees van hierdie wonderlike werk.

Dankie dat ons onder hierdie omstandighede ons Sondagskoolkinders kan bedien.

Seën al ons kinders se ouers en Sondagskoolonderwysers waar hulle ook al bymekaar kom om hul lesse te hou.

Gebruik my nou as instrument om u woord aan ons kinders te bring, sodat ons kinders u werk van verlossing kan verstaan.

In Jesus Naam “Amen”